

111 年全國語文競賽客家語讀者劇場文本國小組（饒平腔）

編號 35 號

【擲牙齒】陳美燕原作

頭擺個時代，生活環境無現下恁好，衛生教育還唔普遍，大家對保護牙齒個觀念也無恁詳細。像佢，斯晨早頭踮起洗一擺牙齒定定，嘴又豺，當好食糖仔，所以，佢對自家做細人仔個時節，輒輒牙齒疾個印象當深。

牙齒一疾啊起來斯會收命哦～細人仔唸到噉殺天¹，大人無結無煞。該量時無麼個止疾藥，阿姆喊佢：「冷水含等！毋好緊唸！」講越唸會越疾。背尾，換牙該下，阿姆吩咐，試著舊牙有滴仔搖，就愛用舌嫵緊搥²，續等，兩枝手指拈等牙齒搖分佢敲³，做毋得癢唸⁴驚疾。若係毋煞猛搖，等新牙暴出來無位仔好企個時節，「歸口牙齒生到歪哥泊杈⁵，該斯媿⁶哪～」阿姆逐擺恁樣嚇佢。

細門牙旁脣該兩枝「虎牙」也盡重要，阿姆講無較細義兜

仔，暴出尖尖翹翹個「豬哥牙」來，該就壞蹄咧哪！成時，佢睜佢懈懈怠怠⁷、無要無緊樣仔，將就提一條白車線，膠佢個牙齒綯綯⁸，出力一掙⁹，牙齒就跔等白線飛出來咧。上顎¹⁰擲着個牙齒，腳愛企比比¹¹擲去眠床下；下顎擲着個愛擲上屋當頂，講恁樣牙齒生着正會齊。

記得佢有一枝後角個大牙，係分做「撮把戲¹²」個人擲忒個。該量時，佢讀小學兩年生，有戲班仔來莊頭做戲兼賣藥仔。佢兜賣一種止疾藥水，講牙齒疾個時節點落去做得止疾，牙齒擲忒了後來點，較遽收口止血。佢問現場個細人仔：「有麼儕牙齒敲敲無？佢膠佢擲毋使錢喔～」一頭講一頭行到佢個面頭前，奇怪咧，佢就無講愛分佢擲啊！佢嘎喊佢嘴擘擘打開開，擎一枝鈇仔，手腳伶俐¹³就膠佢個牙齒擲忒咧。背尾佢想，定著係企在後背個阿姆偷偷膠佢講個。

到較大來，了解牙齒個重要性，曉得細心細義注意牙齒個健康。當愛靚個佢逐擺睜着自家個牙齒生到齊齊無歪忒，正知愛承蒙阿姆該量時恁有耐心教佢。

¹ 噉殺天：音 ve vong sad tienˋ；大聲哭喊。

² 搥：音 sungˋ；推。

³ 敲：音 ludˋ；鬆脫。

⁴ 癢唸：音 rhiongˋ voˋ；嬌慣，動輒大叫。

⁵ 歪哥泊杈：音 uaiˋ go ciˋ caˋ；歪斜不正。

⁶ 媿：音 zheˋ；醜。

⁷ 懈怠：音 haiˋ taiˋ；鬆懈。

⁸ 綯綯：音 to hen hen；綁得緊緊的。

⁹ 掙：音 duiˋ；用力拔。

¹⁰ 上顎：音 shongˋ ngongˋ；上顎。

¹¹ 比比：音 be be；齊。

¹² 撮把戲：音 cod baˋ hiˋ；雜耍戲。

¹³ 手腳伶俐：音 shiuˋ giogˋ lang liˋ；動作乾淨俐落。

111 年全國語文競賽客家語讀者劇場文本國小組（饒平腔）

編號 44 號

【學騎車】李雪菱原作

講著騎自行車，係佢最好个啦，隨時都騎等車仔跟上跟下，下課轉到屋下，書包一揸¹，就去尋車仔來騎。係無，心情就鬱鬱卒卒，做麼个都懶蜗蜗²。

有一日天時盡好，佢心肝肚歡歡喜喜跔等阿姆去運動公園，緊騎車就山歌溜天緊唱歌，路上睺著兩子爺，阿爸當當教俵仔學騎車，大汗潑小汗扶等自行車緊走，還大聲緊喊：「佢愛放手囉！佢愛放手囉！」實在哪有放手呢！

這分佢想起頭擺學騎車个時節，該量時阿公身體還當健，毋知哪條腸仔直咧，講愛教佢學騎車，摺後斗个輔助輪仔剝忒，喊佢騎上去。阿姆哀啲！佢噉噉滾盡噉，頭磬磬³睺等腳踏仔愛箭佢，車頭嘎癩癩倒倒⁴毋知愛幹去哪？驚到面瀝青⁵，阿公在後尾緊喊：「睺頭前，睺頭前，佢捉等後盤，你慢慢騎就做得。」就恁樣，像連續劇樣，橫著過跋跔起來再騎，一頭噉一頭騎，阿公淨

¹ 揸：音 fid；丟。

² 懶蜗蜗：音 nan` guai` guai`；意興闌珊。

³ 頭磬磬：音 teu cin` cin`；低頭的樣子。

⁴ 癩癩倒倒：音 dien` dien` do` do`；醉醺醺的，喻騎不穩的樣子。

⁵ 面瀝青：音 mien` lag ciang`；因恐懼而臉色發白。

會摺佢衫褲撥撥仔，睺有鑪著無？睺有出血無？過繼續向前騎，害佢噉到目汁濫甘⁶盡衰過喔！

經過一晨早个特別訓練，像海軍陸戰隊个蛙人恁艱苦，總算學會咧。還騎去展分阿嬤睺，害阿嬤嚇著一下，目珠擊到大大粒。又過沙鼻碌天⁷騎去分隔壁鄰舍个細人睺，展風神。毋過阿公手軟腳犁⁸，坐在地泥下氣凹凹⁹緊啟大氣，頭先喊佢个氣力毋知哪去咧？

轉到屋下阿公摺佢講：頭擺愛學騎車無恁簡單，愛去摺人租，半點鐘五個銀，歸屋下个細人仔共下學，大个扶細个輪流騎，下把無細義橫到烏青漬血，噉到嘴扁扁毋敢聲，大人儕無閒泊杈¹⁰也法度插，總講細人仔天生天養，橫到大噉到大，就自自然然學會咧。

到這下見睺著人學騎車，當像睺著阿公扶等自行車後盤个手，分佢安安心心，總感覺著無離開過，到今還燒燒暖暖在佢个心肝肚。

⁶ 目汁濫甘：音 mug` zhib` lam gam`；淚流滿面。

⁷ 沙鼻碌天：音 sa` pi` lug` tien`；洋洋得意。

⁸ 手軟腳犁：音 shiu` ngien` giog` le；形容疲累異常。

⁹ 氣凹凹：音 hi` ngiab` ngiab`；氣喘吁吁的。

¹⁰ 無閒泊杈：音 mo han ci` ca`；形容忙得不可開交。

111 年全國語文競賽客家語讀者劇場文本國小組（饒平腔）

編號 47 號

【打極樂仔】黃家馨原作

頭擺，佢最惱落雨天，見暝到天時轉烏陰，阿姆就會喊佢摺衫褲收落屋肚，又吩咐佢續手摺摺仔。當好出去爽个佢，斯像分天公爺關到屋肚共樣，當毋甘願摺衫褲儘採拗一下，闕梓梓暝等窗門外背落無停个雨，阿爸暝佢嘴嚟鼻翹，問佢：「你在該闕麼个？暝你个嘴脣皮做得懸三斤豬肉囉！」佢摺阿爸講：「天公正式摺佢做對頭，昨晡日先生愛考佢兜走八百公尺，佢緊拜託佢落大雨，結果一滴雨斯無，還出大日頭，害佢熱到險橫忒；今晡日係拜六，佢想愛去爽球，佢嘎瀉大雨，佢正式會分佢闕死！」

阿爸行落間肚，提出幾隻極樂仔，隨手摺極樂仔儘採纏一下，在廳下輕輕拂啊出，一隻、兩隻、三隻，逐隻斯挨當較，佢暝到當入文，目盯盯、嘴擘擘毋敢啟氣。過一下，阿爸又提三條幼線一頭縳在凳頂，一頭用手拉纏，摺地泥下纏好線頭个極樂仔，一隻一隻擲到幼線頂，三隻極樂仔斯像在該走追仔，各儕一條線，完全無交雜，佢暢到無結煞，緊拜託阿爸教佢。

有心打石石成磚，無心打井井無泉，佢認真跔阿爸學幾擺，斯曉爽咧！佢用左手提等極樂仔，摺線頭放上去，左手手指公撤

等線頭，用正手開始纏線仔，頭兩圈定著愛擲纏，續下來纏等轉，纏到伸三股一个時節斯做得咧，換正手尾指纏兩輪，用正手提好極樂仔，左腳踏頭前，正腳在後背，正手頭前後背晃幾下，暝準目標，正手到頭前个時節出力擲啊出，極樂仔斯開始挨挨轉咧！

打極樂仔个時節，暝等極樂仔挨挨轉，成時會打斜，佢兜會用索仔在旁脣憑一下，極樂仔黏時斯變正咧；成時縳一條幼線，分極樂仔從這頭行到該頭，像教極樂仔行路樣，正經當心色！阿爸講：「人生七係恁樣，愛行自家正確个路，毋罅力个時節，用索仔在旁脣督一下，極樂仔斯會挨較較；打斜抑係行歪个時節，用索仔教極樂仔變正，像阿爸長透教你做人个道理共樣。」

這下，隨在佢天公幾時愛發風落雨，幾時愛出日頭，佢也無相干咧！佢顛倒愛承蒙天公爺落大雨，分阿爸毋斯出門做事，做得摺佢做伴，一頭打嘴鼓、一頭爽極樂仔，正式當心色！人生像極樂仔共樣，緊挨緊挨，各人行自家个路，承蒙爺哀、先生摺朋友，輒常在旁脣督醒佢，牽成佢，有佢兜个用心指導摺鼓勵，佢正有信心去打拚，正毋會行差路！

111 年全國語文競賽客家語讀者劇場文本國小組（饒平腔）

編號 50 號

【阿咪¹】李夢花原作

屋下從來就毋識畜狗、畜貓仔，一來係阿姆歸日做事無閒直掣，又愛無閒煮三餐；二來係佢當愛淨俐，畜狗摻貓仔驚怕會避跳蚤。一直到老弟間房个天蓬頂，逐暗晡一群老鼠在該走來走去，並並磅磅²吵到佢睡毋得，正高不將摻上屋鄰舍捉一條細貓子，畜來打老鼠。

鄰舍个貓嫲這胎正降兩條，一條就係佢屋下這條，灰色間³白色摻豬肝色花啦花啦⁴，睺起來當精靈、當得人惜，佢兜喊佢「阿咪」。另外該條柑仔色間白色，乜異靚，分雜貨店个叔姆捉去畜。阿爸講新捉來个貓仔，定著愛綯到有四支桌腳个下背幾日仔，恁樣正會認屋，阿爸就摻佢綯到桌腳下。正經有影哦！幾日過放佢，阿咪就乖乖，毋會亂採走。

因為毋識畜過貓仔，阿姆乜毋知愛分佢食麼个？人講：貓愛食臊。阿姆就用四破魚攪飯飼。一站仔過後，阿爸講：「毋好分

佢食忒好、食忒飽，慣勢咧就毋會去打老鼠。」聽雜貨店个叔姆講佢屋下該條，就係食到肥固固，日日食飽睡、睡飽食，連老鼠在脣頭過，佢斯目珠擘開睺一下，又做佢睡。該幾日逐晨早，阿爸就去豬砧買一坵豬肝分阿咪食。第一擺豬肝買轉來，阿姆想愛提來煮熟，阿爸煞煞講：「分貓仔食生豬肝，係愛佢慣食生个味，正會去打老鼠，該下二擺佢打著个老鼠，你愛煮熟正分佢食係無？」阿爸講个異有理，佢兜聽了哈哈大笑。

阿咪日時頭走到倉庫睡，暗晡頭就係佢行動个時間，在暗摸脣疏个暗晡頭，睺著佢个目珠仁，像兩粒青色个寶石樣當金當靚，灶下个蜞蜚趁來趁去，佢一爪搭一隻，非常流掠。就毋知佢曉打老鼠無？毋過，自阿咪來了以後，老弟間房个天蓬，就無老鼠在該跳舞咧。

毋多知仔，阿咪畜有十四年咧，照佢人个年紀算，佢有七十零歲咧。該日阿咪懶甥甥仔無精神，食个東西又嘔出來，好得睺獸醫注射過，幾日仔就好咧。阿姆笑笑仔對阿咪講：「你摻佢共樣，老咧！」阿咪當像聽得識樣，第二日打條細老鼠挑挑放在灶下，像係愛摻阿姆講：「莫笑佢老刀嫲無鋼——奈毋何，佢還異慶哪！」動物除了毋會講話，佢兜摻人共樣，係有感情、有靈性个，還有該種毋認老个打拚精神啊！

¹ 阿咪：音 a^ˇ mi；專有名詞。貓的名字。

² 呼呼磅磅：音 bin bin bong bong；狀聲詞。形容老鼠在天花板跑動的聲響。

³ 間：音 gam^ˋ；混合摻雜。

⁴ 花啦花啦：音 fa^ˇ la^ˇ fa^ˇ la^ˇ；形容顏色混雜花花的樣子。

111 年全國語文競賽客家語讀者劇場文本國小組（饒平腔）

編號 51 號

【大箍牯減肥記】曾菁怡原作

「哇！歸桌恁多好料！汽水、餅、披薩、雞卵糕、枝冰，還有佢最好食个焗菜、雞髀。」佢睺到無瞞目，口涎水強強會滴下來，該兜好料像摻佢攞手講：「遽遽來食，遽遽來食喎！」佢煞煞抓一支香噴噴个雞髀，該亮亮油油个皮焙到喇喇，肉汁水汀汀汀汀，實在還錫人那！就在佢嘴擘到大大，準備咬啊下去該下，嘎聽著：「大箍牯，還毋貽起？讀書會赴毋掣咧！」全部个好料一下嘎毋見忒，原來，係發夢啊！有一息毋願，該雞髀無咬著，實在還打爽噢！

聽佢姆講，佢從細就異好嘴斗，生到肥壘壘仔，幼皮白肉，當得人惜。公太就最愛捏佢个面頰卵，講佢像正打好个粿粿分人想愛咬一口。原本佢無感覺肥固固个身材有麼个毋好，但係該擺見笑个經驗分佢堅心愛減肥咧。

該日學校辦校慶活動，佢个班級表演「三條豬子」个話劇，佢係擔任豬大哥个角色。就在節目進行到豬大哥摻豬二哥為著閃避大野狼，愛走去豬老弟个屋園該下，為著有緊張个氣氛，佢盡命牯颯過去愛鑽入豬老弟个屋裡肚。麼人知，一下忒大力，豬老

弟个屋嘎分佢撞橫落去，佢還仆在屋面頂，屎肫翹到半天高，纏纏个褲弓到暴線縫……該時，鬧熱煎煎个禮堂忽然間變到一片恬靜，佢聽著自家砰砰个心跳聲，還有額頭流下來个汗水，每一滴佢就感覺得著……實在還見笑噢！愛仰結煞正好？落尾，有聲音摻佢解圍咧，佢遽遽企起來行到舞臺脣換褲；該聲音，毋係佢期待个拍手聲，係對佢緊顫、目汁雙流个笑聲。

校慶結束該日，桌頂个乳茶、雞排全部分佢擲到垃圾桶，佢第一擺落恁堅定个決心，絕對愛減肥成功。佢去網路尋減肥个方法，大體係減量、減油、減糖，還愛配合適當个運動，所以該兜油膩膩个焗菜、甜滋滋个汽水、糖仔全部分佢拒絕，逐餐飯菜都食較清、較齋兜，食到七分飽就好。佢還逐日運動三十分鐘，行路、爽球仔、跳索仔……逐日做無共樣个變化。

一隻月過後，佢姆帶等佢去買新衫褲，每一領都比原旦个尺寸細兩碼，阿姆講：「從今以後做毋得過喊你『大箍牯』咧！」
「係啊！你愛喊佢『緣投哥』咧！」

大箍牯減肥，成功！

【 蛎蠕仔¹ 】徐姿華原作

記得讀二年生該年，連續漚雨²幾下禮拜，落到人都強強會生菇咧！直直到拜三晨早斷雨腳³，當晝放學還有日頭花對貴貴个烏雲肚箭出來，大家都當歡喜，排列行出校門，著等水靴蠻皮个細俵仔斯開始躡水爽，泥水噴到脣頭个細妹仔同學吱吱滾，緊閃、緊跳、緊走，笑个聲、喊个聲、罵人聲，跔等轉好天个天時，大家个心情乜正像烏雲慢慢散忒，緊來緊開。

佢膠老弟轉到屋面前个楓樹伯公下，睺著一陣細細尾、頭大大、烏烏个魚仔在路脣落雨過後个細水窟肚，汨來汨去當心色，佢兜跔等睺到毋記得好轉，阿嬪等無佢兜，行出禾埕大聲嘍，佢兜正當毋甘願行轉屋下。

佢兩儕等阿嬪去睡當晝，偷偷提等空个牛乳罐，去楓樹伯公下捉魚仔，驚大人知著會罵，佢兜斯膠捉著个六尾魚仔，偷偷畜在書桌下，愛去上課膠放學轉都會先去睺一下，等愛寫字个時節，正膠佢兜提出來放桌頂，陪佢兜寫字。

第三日打早，老弟去睺魚仔了後，趕緊愛去上課，牛乳罐無放好勢嘍橫忒，等佢兜下晝轉到屋下，水強強會流淨咧，罐肚就

伸著一尾魚仔定定，另外五尾魚仔燥死在書桌下咧！佢兜當傷心，膠五尾魚仔埋在花園肚个桂花樹下，希望佢兜做得鼻得著桂花个香味。伸著該尾細魚仔，佢兜過較細心細意照顧佢，大約一禮拜換一擺水，還分佢食嫩嫩个菜葉。

十空日過，該尾魚仔嘎生出兩隻腳，佢兜試著魚仔會生腳當心色⁴，忍毋核偷偷膠阿爸講，阿爸睺了講：「該毋係魚仔，係『蛎蠕仔』，蛎仔个細子。」差毋多又過一禮拜，蛎蠕仔又生出前腳咧，有四隻腳還有尾，在水肚汨來汨去，當風神。

學校放暑假咧，阿姆膠往年共樣，帶佢兜轉姐嬪屋下奈一禮拜，佢兜心肝肚想等書桌下个蛎蠕仔，旨前旨抵⁵斯緊追愛轉。一轉到屋下，老弟隨拚⁶入間肚，跔等斯唸到大嬪聲，佢兜旨攞行李，斯走入間肚去，睺佢做麼个嘍？老弟指等空空个牛乳罐，膠脣頭該跳啊跳个蛎仔，唸到鼻率噎毋轉⁷，講：「嗚……蛎蠕仔……分蛎仔食忒咧啦！嗚……」，阿爸聽著，緊掌老弟个頭那，忍等笑膠老弟講：「大惹牯，你个蛎蠕仔大咧，變做蛎仔咧啦！毋係分蛎仔食忒，莫唸啦！」，老弟聽著恁樣講，正轉笑面。

因為童年畜「蛎蠕仔」个經驗，分老弟對自然科學當有興頭，這下，老弟既經係當受學生歡迎个自然科先生，也輒輒會帶細人仔滿哪仔去做研究呢！

¹ 蛎蠕仔：音 guai` nug er`；蝌蚪。

² 漚雨：音 eu` vu`；久雨不停。

³ 斷雨腳：音 ton` vu` giog`；雨停了。

⁴ 心色：音 sim` sed`；有趣。

⁵ 旨前旨抵：音 mang cien mang di`；時候未到，迫不及待。

⁶ 拚：音 biang`；快速奔跑。

⁷ 唸到鼻率噎毋轉：音 vo` do`sud ed` m zhan`；情緒激動，哭得喘不過氣來。

111 年全國語文競賽客家語讀者劇場文本國小組（饒平腔）

編號 59 號

【剃頭】張美容原作

前幾日去剃頭店剃頭，睺著一個兩、三歲个細人仔，為著剃頭嘍到噉殺天¹，大人細子全部斯搥到汗流脈絡，實在還衰過哪。佢這下較大咧，剃頭該下毋敢嘍，毋過還係當驚剃頭，乜共樣當惱剃頭！

佢驚剃頭，係因為佢當無膽，驚師傅手町該支剪刀摻剃頭刀。見擺一坐落凳頂，筒好剃頭帕，睺著師傅擎等剪刀對等佢，佢就開始嘍嘍掣²，試著像過忒千年恁久，毛正剪好，堵堵想敌下大氣定，師傅又擎等利利个剃頭刀愛來刮佢腦屎背³个毛腳，這下還較得人畏咧。佢驚到頸根緊跣、尿肫在凳頂扭上扭下，師傅一頭刮、一頭咄⁴佢毋好停動，無奈何，佢牙根齧等、拳頭嫲搭等，由在人刷割。係走得，佢定著起腳花走⁵，一秒鐘就毋停跔。唉！剃頭實在得人驚！

到三、四年生起勢，膽較在⁶咧，無恁驚剃頭，嘎變做惱剃

頭，因為師傅該張嘴當得人惱，佢總係在摻佢剃頭該下，講講摻一千擔有个無个。可能大家係老鄰舍昶⁷熟事咧，佢長透緊剃緊摻佢打嘴鼓，一下問：「你个頭那毛落麼个肥，仰會生到恁靚、恁多？」一下又講：「營養毋好專門搵到頭那毛去，愛食較高大兜正有影哪！毋好像矮嫲車樣矮佢佢⁸。」佢面皮薄、驚見笑，長透目珠眨等詐無聽著，一肚懊躁想：「仰結煞！脣頭个人定著在該笑佢咧啦！還惱！還惱！實在還惱剃頭。」

最冤枉个係，有一擺師傅毋知仰般，剪刀一溜⁹，嘎摻佢个耳空剪隻空，血黏時流出來。師傅一頭摻佢膏藥仔，一頭嘍嘍咿咿講：「頭那毛恁多，當毋好剪。」仰般嘎變做佢个錯！轉到屋下想愛摻阿姆做嬌，無想著阿姆毋單淨無安慰佢，顛倒罵佢講：「毋恬恬坐等分人剃哪！耳空無分人剪忒斯異好咧。」限勢佢愛嘍毋得嘴扁，聽著阿姆恁樣講，黏皮「哇」一聲嘍出來。係做得，佢甘願鬢頭髻披¹⁰也無愛去剃頭。

剃頭个齣數，幾隻月斯愛再過來一擺，還艱苦哪！佢日日想、日日望，想望煞煞大，做得像大人樣，去電毛店剪頭那毛，腳交等，有冷氣好吹、有人摻你捉龍，還有人滃茶分你食，毋知幾好哪！

¹ 噉殺天：音 ve vong sad` tien`；大聲哭喊。

² 嘍嘍掣：音 bid` bid` chad`；不停發抖。

³ 腦屎背：音 no` shi` boi`；後腦杓。

⁴ 咄：音 doi；喝斥。

⁵ 起腳花走：音 hi` giog` fa` zeu`；拔腿就跑。

⁶ 在：音 cai`；穩固。

⁷ 昶：音 tiong`；太。

⁸ 矮佢佢：音 e` dud` dud`；矮嘟嘟的。

⁹ 溜：音 tiu`；滑開。

¹⁰ 鬢頭髻披：音 nung teu gi` pe`；披頭散髮。

111 年全國語文競賽客家語讀者劇場文本國小組（饒平腔）

編號 62 號

【秘密森林】林貴珠原作

佢從細盡好在山林肚、溪壩脣爽寮，一到放寮日就滿哪仔野上野下，爽到斷烏正轉屋，記得讀小學該下，總係好跔阿娥厥姆去美濃山下拈樵，阿娥厥爸盡早就過身咧，單淨倚恃厥姆做小工來畜歸屋大細，阿娥盡知人我，放寮日總係會跔厥姆去山肚拈樵相添，佢輒常揪衫尾，摺佢兜共下去山林肚遠寮，對佢來講，這山林肚全全係寶。

打早佢就背等飯包摺佢兜共下去，在山林肚佢兜爽園人尋，將這一大片个山林變做佢兜个運動坪躡上躡下¹，在樹頂爬上爬下無輸山猴仔，麼个愁慮早就飛走咧，飛到天斯無恁高，佢个心情就像著等靚靚花裙在該跳舞个蝶仔，飛上飛下恁樣自在、恁樣快樂，爽到汗流脈落就去山坑脣爽水，山坑水清又清、啱一口透心涼，坑水涼又甜，較贏雜貨店个枝仔冰。接等貶石頭捉蝦公、捉毛蟹、捉魚仔，唱等佢自家个山歌，快樂个歌聲跔等坑水傳遍歸隻山窩壩壁，流過莊頭，流到闊野野个天際。

有時膨尾鼠來做伴，佢个面頰卵蠕蠕動睭等佢兜手上个零

嗒，錫到佢个口涎水就會跌下來咧，盡得人惜，還有領領拜个山狗太，佢睭你，你睭佢，有時四腳惹天盡心色，行到笏竹頭下聽著唧唧个聲音，佢兜將手頂銅罐仔張滄个水灌入地泥个空肚，無幾久就睭著另外一隻空趟出土狗仔來，一隻、兩隻有時做得灌出三、四隻土狗仔，爽到慄咧，就坐在香絲樹下，山風柔柔吹過樹林，聽等土狗仔唧唧滾挨弦仔，山坑水摺笏竹和出大自然个樂曲，這係最錫人聽个樂曲。

暢樂个時間總係恬恬仔溜啊過，一矚目就到斷烏愛轉屋咧，猴嫵背等細猴仔攀籬懸壁愛轉寶，佢兜就踏等紅霞下山，貓頭鳥咕咕滾摺佢兜講「正來寮」，阿伯姆孩等滿滿个幸福，佢乜袋等滄滄个快樂轉來，感謝這座山林加添佢心色又無共樣个童年生活，感謝一路里來陪等佢成長个好山好水，對佢來講，爽上爽下毋當美濃山下，這係佢心肝肚最靚个秘密森林。

¹ 躡上躡下：音 lung` shong` lung` ha`；跑來跑去。

111 年全國語文競賽客家語讀者劇場文本國小組（饒平腔）

編號 63 號

【像戇仔个天才】葉秋菊原作

「人不可貌相，海水不可斗量」用這句話來講阿明牯，實在盡對般¹。佢乜相信天公爺摻你關忒一扇門，定著會摻你打開另外一扇窗。

見擺佢兜愛重新分班該下，心情就像老鼠跌落米缸肚，一重歡喜一重愁，歡喜个係做得熟事新朋友，愁个係毋知會有牛頭馬叉摻佢分共班無？當記得開學該日，遠遠睇著一個手癟癟、腳跛跛个細俵仔行落教室肚，該個人頭臥臥，嘴弛弛²仔緊行緊笑，睇起來戇戇當當，佢胚佢怕係行毋著教室，愛去隔壁个資源班正著敢！。

該个細俵仔的對³坐在佢隔壁。先生特別紹介這個細俵仔，講佢安到張忠明，手腳毋方便，打幫坐佢脣頭个人，發揮同學愛，搵手照顧。張忠明？佢話著係當聰明，險險笑出聲來，一想著新个一年愛摻佢比比坐，面就孬忒⁴一半。佢頭側側偷睇佢，欸！生著白淨白淨算係異清秀个細俵仔，毋過，總係透日仔口涎水露露

汀汀⁵，摻頸根圍等該條胥弛仔⁶，汀到潦潦，分人睇著目汁就會跌出來，同情心在佢心肝肚慢慢翻轉，佢定定仔幹轉頭摻佢笑一下，佢試著佢異得人惜啊！

佢該班个綻剝頭⁷總係撩撩刁刁，奈冬瓜毋何，捉瓠仔來捋毛，睇忠明好欺負，就學佢行路孔孔翹翹个樣相，無就捋佢个屎肫，好性个阿明牯斯目瞞瞞仔任人搵射，佢一肚懊躁，當想行前去替佢出頭。

阿明牯當自重，摻大家共樣上課，共樣寫作業，斯寫字較食力，較慢板定定，學生仔該當愛做个本分，佢毋識懈怠過。有一日上數學，先生出一隻題目難過上天，佢頭那想到必乜想毋出來，大家都額結結仔無人曉，哪會胚著阿明牯竟然毋使兩分鐘就算出來。大家目珠睇到大嫲粒，焮鏢⁸講到鉢乜無人愛信，戇牯仰會變精咧呢？原來佢係一個天才啊，起先話著佢係戇仔个佢，敗勢到面紅濟炸，還想尋隻空鑽下去！

見想著爽到昏天暗地毋知頭天个佢兜，摻提等隨身聽恬恬聽英文，嘴叮迪迪凸凸背出一大串英文單字个佢，自家就會面紅，實在爭天差地啊！人講：一枝草一點露，天公爺係公當个，雖然無分佢健全个膺身⁹，毋過有分佢聰明个頭腦、上進个心，在未來个路項，大家都毋使為佢煩惱、為佢愁咧。

¹ 對般：音 dui` ban`；契合、一致。

² 嘴弛弛：音 zhe` rhe` rhe`；嘴咧得開開的。

³ 的對：音 dag` dui`；正巧。

⁴ 孬忒：音 fe` ted`；歪了。

⁵ 露露汀汀：音 dam dam din` din`；形容液體不停的自物體上滴下來。

⁶ 胥弛仔：音 goi` rhe` er`；圍在脖子上的圍兜。

⁷ 綻剝頭：音 can` dog` teu`；罵人頑皮鬼。

⁸ 焮鏢：音 pu lo；用生鐵鑄的炊具。

⁹ 膺身：音 vu shin`；身軀，身體。

【賣菜】謝惠如原作

記得讀三年生該下，屋下人多，食用乜多，阿姆除忒田事，還愛知理屋下人个三餐，所以利用屋側角該垵空地來種菜，種啊種仔，菜嘅多到食毋去，將就載去街路賣。

慢冬十月禾仔割忒後，一隻奈日，阿姆愛偈跔佢去搵賣菜，到菜市場个路脣，阿姆頓好自行車，將後斗疊到尖起來个角菜，下十過抓¹下來，吩咐偈在該掌等賣，無講橫無講直佢自家又隨載去街路迂迂轉賣咧，丟偈一個人在該呆呆，毋知愛仰結煞正好。

偈本成就面皮薄，見睭著毋識个人就會面紅濟炸，莫講愛喊人來買菜。無結無煞个偈，敗勢到頭犁犁，全毋敢臥起來睭人，好得隔壁賣番薯个老伯姆睭偈恁恬又畏羞，笑笑仔講：「細阿妹仔，毋使驚，你做你大聲喊賣菜，人家聽著就會撇轉來睭你賣麼个，無定著有佢想愛買个菜，鴨嫲嘴愛罔吮正好好食，來！偈喊分你聽：『來唷！來買番薯唷！好食个番薯，又粉又甜哦，包你食咧還會倒轉來買唷！』」聽著老伯姆个喊賣後，偈就作膽試喊：「來唷！來買菜喔！一抓十個銀定定。」正喊啊煞，一個阿

姨聽著，隨停下來買，還講偈恁乖、恁曉得。聽著佢个褒獎，偈暢到緊喊緊大聲，行過偈面前个人，十個有八個大體會頓恬下來，偈買菜，無幾久就賣忒咧，分偈試著賣菜一息都毋會難。

冬下頭日仔短，臨暗放學轉到屋下，鞋一脫、衫一換，隨走去菜園攆阿姆搵摘菜。暗晡頭食飽夜後，攆阿哥兩個人開始擇菜、秤菜，偈兜負責个事頭，除了將一頭一頭有黃葉攆燥葉个蓋²擘忒以外，還愛將有泥个菜蓋搵搵啊，整理清淨好勢後，一抓一抓秤分佢平重正緝起來。阿姆不時交代偈兜：「有東西好賣，斤兩定著愛罉，雖然正十箍八角，又乜係錢，秤頭就係路頭，毋好去蝕虧人。還有賣食个東西，自家愛敢食个正好提去賣人。」這兜話偈全記在心。

賣菜雖然係一種小生理，賺無麼个錢，也無麼个大學問，毋過對這擇菜、賣菜个過程裡肚，分偈學著當多做人做事个道理。

¹ 下十過抓：音 ha^ˇ ship go^ˋ za^ˇ；解下十多把。

² 蓋：音 hab^ˋ；老菜葉、外葉。

111 年全國語文競賽客家語讀者劇場文本國小組（饒平腔）

編號 69 號

【鬧熱个落雨天】曾菁怡原作

鬧鐘鈴¹！鈴！鈴響咧！大嫲聲喊佢遽遽踮起來，再過勒床就會赴毋掣去學校讀書咧。佢目絲絲伸手揪忒鬧鐘，過橫轉舒適个眠床，毋盼得摺佢分開。咦！毋係天光咧？外背仰會還係暗摸胥疏？探頭睺啊出去，原來係天公派烏雲使者來通知佢兜——愛落雨咧！

有人認為落雨天盡麻煩，出門愛著水衣，無就摺遮仔，無細義衫褲又會搵到濕漉漉，愛去哪位就無方便。學生仔最惱無法度出去打球、爽奈，一下課先生就掌等，麼人都做毋得出去逐雨，所以見堵著落雨，大家就唉唉唧唧，目盯盯睺等雨水占去歸隻運動坪，實在還慍悴唷！

但係，落雨天對佢來講顛倒係異鬧熱个日仔。晨早一出門，滿街路就係淅淅个車仔，這片嘩嘩；該片叭叭，像久違个朋友互相打招呼，大家尖共下講起恁久無見个思念。該兜行路个人，摺等遮仔比比摺像一列花，雨水一滋潤，就開出五彩个花蕊，行來行去像比麼人个花較靚樣。你係聽較真兜仔，該雨水打在車頂、

屋頂、水窟、也係樹葉頂高个聲音全部無共樣，有高、有低、有大聲、有細聲，像係唱歌分你聽樣。有成時，雷公還會用躡燼來打燈光，用響雷來伴奏，你講，恁樣係毋係異心色呢？

佢最愛在落雨天打早就去學校，因為該兜平常時圓核核个蝓螺、蟲蟻全部都會趟出來爽水。學校个圍牆係膏紅毛泥个，泥壁頂个溜苔青里里，落雨該下，蝓螺爬上爬下陣打陣，相賽睺麼儕爬較遽，有个彎來幹去做起畫圖个藝術家，有个停跔在圍牆頂高享受逐雨个清涼，逍遙自在。

落雨天出來爽奈个蟲蟻最好膽，衫褲無著就緊搖搖仔出來爽水，溝壩肚朗朗滾个水流異刺激，幾尾蟲蟻分水冲啊去還會搖來搖去，暢到奈毋得。有个蟲蟻大摺摺仔趟到路町來，較砸身个還做得趟轉去；較嫻个將就橫在路徑頭，分天公做主咧！

鬧熱个落雨天，有人懊惱，有人歡喜，天公無法度分逐儕納意，唯一係佢俚做得自家改變想法，恁樣，不管麼个天都係最好个天。

¹ 鈴：音 liang；擬聲字。模擬鈴聲。